

LICENCË PËR OPERATORIN E SISTEMIT TË SHPËRNDARJES (ME KUSHTE)

DHËNË:

KORPORATËS ENERGETIKE TË KOSOVËS SH.A

Divizioni i Shpërndarjes ("KEK")

Numri i Regjistrimit: ZRRE_Li_06/06

PASQYRA E PËRMBAJTJËS

PJESA I	TERMAT E LIÇENCËS	4
PJESA II	KUSHTET E LIÇENCËS	5
Neni 1:	Përkufizimet dhe Interpretimet	5
Neni 2:	Llogaritë e Ndara për Bizneset e Operatorit të Shpërndarjes.....	6
Neni 3:	Ndalimi i Subvencioneve dhe Ndër-subvencioneve	7
Neni 4:	Pajtueshmëria me Kodin e Shpërndarjes, Kodin e Rrjetit Elektrik, Kodin Matës dhe Rregullin mbi Kushtet e Përgjithshme të Furnizimit me Energji.....	7
Neni 5:	Funksionimi i Sistemit të Shpërndarjes	8
Neni 6:	Plani Zhvillimor.....	8
Neni 7:	Blerja ekonomike e Aseteve, Shërbimeve dhe Shërbimeve ndihmëse	9
Neni 8:	Regjistrimi dhe Tjetërsimi i Asetet Relevante	9
Neni 9:	Furnizimi me Mjetet Matëse dhe Shërbimet e të Dhënave.....	10
Neni 10:	Zbulimi dhe Parandalimi i Vjedhjes së Energjisë Elektrike, Dëmtimi dhe Ndërhyrja në Njehsor.....	11
Neni 11:	Standardet e Sigurisë së Sistemit të Shpërndarjes dhe Planifikimit.....	11
Neni 12:	Standardet e Sigurisë së Operimit	12
Neni 13:	Standardet e Përgjithshme dhe Minimale të Përmbushjes së Bizneseve të Shpërndarjes.....	12
Neni 14:	Qasja në Tokë dhe/ose në Ndërtesa (godina).....	13
Neni 15:	Kufizimi në Përdorimin e Informatës së Caktuar	14
Neni 16:	Furnizimi me Informata për Operatorin e Sistemit të Transmisionit dhe Operatorëve tjerë të Sistemit të Shpërndarjes	14
Neni 17:	Informatat tjera për Konsumatorët.....	15
Neni 18:	Kodi i Sjelljes i Operatorit të Sistemit të Shpërndarjes	15
Neni 19:	Rregullat e Tregut	15
Neni 20:	Shëndeti dhe Siguria	16
Neni 21:	Puna.....	16
Neni 22:	Obligimi i Sigurimit	16
Neni 23:	Ndryshimi në Kontrollin e të Licencuarit	16
Neni 24:	Shërbimet Publike të Detyrueshme.....	16
Neni 25:	Sigurimi i Informacioneve ndaj ZRRE-së	16
Neni 26:	Arsyet për Përfundimin, Tërheqjen dhe Modifikimin e Licencës	17
Neni 27:	Masat dhe Gjobat Administrative	18
Neni 28:	Zgjidhja e Kontesteve	19

Shtojca 1 – Përshkrimi i karakteristikave të sistemit të shpërndarjes.

Shtojca 3 – Informacione mbi pronësinë e elementeve të sistemit.

PJESA I TERMET E LICENCËS

1. **Zyra e Rregullatorit për Energji (tani e tutje “ZRRE”)**, në ushtrim të autoritetit të dhënë prej Neneve 15.2 (a), 28.2 (h) dhe Nenit 37 të Ligjit mbi Rregullatorin e Energjisë (Ligji 2004/9), Nenit 16.2 i Ligjit për Energjinë (Ligji 2004/8), dhe Neneve 17-19 të Kapitullit 5 të Ligjit për Energjinë Elektrike (Ligji 2004/10), me anë të kësaj i lëshon: **Korporatës Energjetike të Kosovës SH.A., Divizioni i Shpërndarjes (“KEK”)**, (tani e tutje **“i Licencuari”**), i caktuar prej Qeverisë së Kosovës, në pajtim me Nenin 17.1 të Ligjit për Energjinë Elektrike, lëshon licencë për të kryer **shpërndarjen e energjisë elektrike** gjatë periudhës që është caktuar në paragrafin 6, sipas Kushteve të nxjerra në Pjesën II.
2. Territori që mbulohet nga kjo licencë është, në pajtim me Nenin 32 paragrafi 2 të Ligjit mbi Rregullatorin e Energjisë, është tërë territor i Kosovës.
3. Të Licencuarit mund të mos i jepet licenca për ndonjë aktivitet tjetër të energjisë elektrike, në pajtim me Nenin 32.5 të Ligjit mbi Rregullatorin e Energjisë.
4. I licencuari do të veproj në pajtueshmëri me Nenet dhe kushtet e përcaktuara në këtë licencë dhe gjithashtu të veproj në pajtueshmëri me kërkesat e Nenit 17 të Ligjit për Energjinë Elektrike dhe legjislacionit relevant dhe, duke bërë kështu, do të përpiqet, në çdo kohë, të pajtohet me si vijon:
 - a) kryerja efikase e obligimeve nga ana e të Licencuarit me të cilat ngarkohet në këtë licencë;
 - b) operimi efikas, ekonomik dhe i koordinuar i të Licencuarit në Sistemin e Shpërndarjes së të Licencuarit;
 - c) nxitja e konkurrencës efektive për gjenerim dhe furnizim me energji, dhe (në pajtueshmëri me) nxitjen e konkurrencës në blerjen dhe shitjen e energjisë;
 - d) nxitja e efikasitetit në implementimin dhe administrimin si dhe balancimin dhe zgjidhjen e kontesteve të parashikuara me Rregullat e Tregut.
5. Nenet dhe kushtet e kësaj Licence i nënshtrohen modifikimit, ndërprerjes apo tërheqjes në pajtim me termet e tyre dhe në pajtim me Nenet 35, 36, 37 dhe 39 të Rregullës mbi Licencimin e Aktiviteteve të Energjisë në Kosovë.
6. Licenca do të hyjë në fuqi me 04 Tetor 2006 dhe, dhe përveçse në rast se tërhiqet, do të vazhdojë të jetë e vlefshme për një periudhë tridhjetë (30) vjeçare, deri më 04 Tetor 2036 me mundësi vazhdimi sipas Rregullit të Licencimit të Aktiviteteve të Energjisë në Kosovë.

Vulosur me vulën e rëndomtë të ZRRE-së, më _____.

Nënshkrimi (në emër të Bordit të ZRRE-së) _____

PJESA II KUSHTET E LICENCËS

Neni 1: Përkufizimet dhe Interpretimet

1. Për qëllime të kësaj licence, termet dhe shprehjet e renditura më poshtë do të kenë këtë kuptim vijues:

"Anëtar" nënkupton në marrëdhënie të drejtpërdrejt ose indirekte me të Licencuarin, çdo Kompani Aksionare apo Vartës i të Licencuarit, apo ndonjë vartës të një Kompanie Aksionare të të Licencuarit, në secilin rast brenda kuptimit të legjislacionit të aplikueshëm në Kosovë.

"Shërbimet ndihmëse" ka kuptimin e dhënë në Nenin 3 të Ligjit mbi Energjinë Elektrike dhe në Kodin e Rrjetit Elektrik;

"Programi i Pajtueshmërisë" nënkupton programin që kërkohet të përgatitet nga ana e të Licencuarit dhe i cili do të aprovohet nga ZRRE-ja, sipas Nenit 17.3(d) të Ligjit mbi Energjinë Elektrike;

"Plani Zhvillimor" nënkupton çdo plan zhvillimor që do të përgatitet nga i Licencuari, sipas Nenit 8 të Ligjit mbi Energjinë;

"Kodi i Shpërndarjes" nënkupton grumbull rregullash teknike të lëshuara nga Operatori i Sistemit të Transmisionit, aprovuar nga ZRRE-ja, sipas Nenit 15.2 (i) të Ligjit mbi Rregullatorin e Energjisë.

"Sistemi i Shpërndarjes" ka kuptimin e dhënë në Nenin 3 të Ligjit mbi Energjinë Elektrike;

"Operatori i Sistemit të Shpërndarjes" ka kuptimin e dhënë në Nenin 3 të Ligjit mbi Energjinë Elektrike;

"Standardet për Sigurinë e Sistemit të Shpërndarjes dhe Planifikimit" do të thotë dokumenti që do të përgatitet nga i Licencuari në përputhje me Nenin 11 të kësaj Licence.

"Ndërmarrje për energjinë elektrike" ka kuptimin e dhënë sipas Nenit 3 të Ligjit mbi Energjinë Elektrike

"Viti financiar" është periudha prej 1 Janarit deri më 31 Dhjetor të të njëjtit vit kalendarik.

"Kodi i Rrjetit Elektrik" nënkupton grumbull rregullash teknike të lëshuara nga Operatori i Sistemit të Transmisionit sipas Ligjit të Energjise Elektrike aprovuar nga ZRRE-ja, sipas Nenit 15.2 (i) të Ligjit mbi Rregullatorin e Energjisë.

"Kompani Aksionare" nënkupton çdo kompani e definuar si e tillë në përputhje me legjislacionin e aplikueshëm në Kosovë.

“Legjislacion” nënkupton Ligjin mbi Energjinë (2004/8), Ligjin mbi Rregullatorin e Energjisë (2004/9), Ligjin mbi Energjinë Elektrike (2004/10) dhe çdo legjislacion tjetër parësor ose dytësor të nxjerrë për ekzekutimin e legjislacionit parësor që rregullon sektorin e energjisë.

“Operatori i Tregut” nënkupton një person juridik përgjegjës për organizimin dhe administrimin e tregtisë së energjisë elektrike dhe marrëveshjet për pagesë midis prodhuesve, furnizuesve dhe konsumatorëve.

“Rregullat e Tregut” nënkuptojnë grup rregullash të miratuara nga ZRRE që udhëheqin tregtinë e energjisë midis Operatorit të Tregut dhe ndërmarrjeve tjera të energjisë elektrike, si dhe bashkëveprimet midis këtyre palëve dhe Operatorit të Sistemit të Transmisionit, me qëllim të mirëmbajtjes së balancës fizike të tregut Kjo përfshinë çdo marrëveshje kalimtare mbi tregtimin që do të mund të aprovohej nga ZRRE-ja.

“Kodi Matës” nënkupton grumbull rregullash teknike të lëshuara nga Operatori i Sistemit të Transmisionit sipas Ligjit të Energjisë Elektrike aprovuar nga ZRRE-ja, sipas Nenit 15.2 (i) të Ligjit mbi Rregullatorin e Energjisë.

“Pajisjet Matëse” janë pajisjet dhe instalimet në Sistemin e Matjes që është specifikuar në Kodin Matës dhe që mjaftojnë të ofrojnë të dhëna mbi Matjet që kërkohen sipas Rregullave të Tregut;

“Sistemi i Matjes” nënkupton grumbull njehsorësh të regjistruar të trajtuar si një njehsim (lexim) i veçantë për llogaritjen përfundimtare ashtu siç përcaktohet me Kodin Matës.

“Modifikim” përfshin shtimin, ndryshimin dhe zëvendësimin, dhe shprehjet e përafërta që do të interpretohen në përputhje me rrethanat.

“Palë” nënkupton nënshkruesin e Marrëveshjes Kornizë mbi Rregullat e Tregut apo Marrëveshjes për Kyçje.

“Llogaria Përfundimtare” nënkupton proceset që përdoren për të përcaktuar përdorimin e Sistemit nga ana e secilës Palë dhe detyrimet financiare dhe pagesat pasuese që rrjedhin nga Rregullat e Tregut.

“Vartës” nënkupton çdo kompani në pronësi apo e kontrolluar nga një kompani tjetër, e që definohet sipas legjislacionit të aplikueshëm në Kosovë.

“Sistemi i Transmisionit” ka kuptim e dhënë sipas Nenit 3 të Ligjit mbi Energjinë Elektrike;

“Operatori i Sistemit të Transmisionit” ka kuptim e dhënë sipas Nenit 3 të Ligjit mbi Energjinë Elektrike.

2. Termet e përdorura në këtë licencë do të kenë kuptimin e njëjtë sikur termet e përdorura në Legjislacion.
3. Duke iu referuar paragrafit 2, çdo modifikim ose ri-dekretim i legjislacionit pas datës kur kjo licencë hyn në fuqi, do të aplikohet
4. Përpos nëse është specifikuar ndryshe
 - a) çdo referencë në një Nen të numëruar ose në një Shtojcë të numëruar, është respektivisht një referencë në Nenin apo Shtojcën që mban atë numër në këtë licencë;
 - b) çdo reference në një paragraf të numëruar, është një reference në paragrafin që mban të njëjtin numër në Nen ose në Shtojcën ku shfaqet referenca.
5. Titulli ose tema e ndonjë Pjese, Neni, Shtojce ose paragrafi, nuk do të ndikojë në kuptimin e saj.
6. Kur të Licencuarit i imponohet për të kryer një detyrim brenda një afati të specifikuar, ai detyrim duhet të vazhdojë të jetë detyrues dhe në fuqi edhe pas atij afati kohor, pa marrë parasysh masat administrative dhe gjordat që mund të vendosen kundër të Licencuarit, nëse i Licencuari nuk arrin të kryejë aktivitetin e duhur brenda afatit kohor.
7. Dispozitat e paragrafit 6 do të aplikohen në çdo dokument që do të paraqitet ose udhëzimi, njoftimi dhe shërbimi që duhet të kryhet sipas kësaj licence dhe udhëzimeve të lëshuara prej ZRRE-së.

Neni 2: Llogaritë e Ndara për Bizneset e Operatorit të Shpërndarjes

Kushti 1

Sipas Nenit 49.2 të Rregullit për Licencimin e Aktiviteteve të Energjisë në Kosovë i Licencuari duhet të veproj në pajtueshmëri të plotë me kërkesat e këtij Neni brenda dymbëdhjetë (12) muajsh nga data e lëshimit të kësaj licence.

1. I Licencuari do të përgatisë kontabilitetet vjetore rregullative në përputhje me Udhëzimet Rregullative për Kontabilitetin, nxjerrë nga ZRRE-ja dhe do t'i dorëzojë ZRRE-së një kopje të kontabilitetit vjetor të audituar, përgatitur sa më shpejt që është e mundur, dhe i cili duhet të dorëzohet brenda tre (3) muajve, pas përfundimit të vitit financiar që lidhet me kontabilitet.
2. I Licencuari në kontabilitetin e tij të brendshëm do të mbajë kontabilitetin për biznesin e Operatorit të Sistemit të Shpërndarjes në tërësi, e cila kur kërkohet nga ZRRE-ja, duhet t'i dorëzohet në formën dhe datën e specifikuar nga ZRRE-ja. Kontabiliteti rregullativ do të mbahet në përputhje me Udhëzimet Rregullative për Kontabilitet, që nxirren kohë pas kohe nga ZRRE-ja.

3. Udhëzimet Rregullative për Kontabilitet ose udhëzimet që ZRRE-ja i njofton të Licencuarit sipas paragrafit 2, ndër të tjerash mund të:
- a) specifikojnë formën e deklaratave/regjistrave rregullativ të kontabilitetit, duke përfshirë, por duke mos u kufizuar vetëm nga llogaritë e fitimeve dhe humbjeve, bilancet, fitimet e njohura dhe deklaratat e humbjeve, rrjedhjen e parave të gatshme dhe deklaratat për shumatat e të ardhurave vjetore, kostove, aseteve, borxheve, rezervave ose furnizimeve, të cilat janë tarifuar nga ndonjë biznes tjetër, ose janë përcaktuar nga alokimi ose shpërndarja midis bizneseve të konsoliduara të Operatorit të Sistemit të Transmisionit dhe ndonjë biznesi tjetër.
 - b) të specifikojnë natyrën dhe përmbajtjen e deklaratave/regjistrave rregullativ të kontabilitetit, duke përfshirë informacione mbi lloje të specifikuara të të ardhurave vjetore, shpenzimeve, aseteve ose borxheve, dhe informacione mbi të ardhurat vjetore, asetet, shpenzimet dhe borxhet nga aktivitetet e specifikuara.
 - c) të specifikojnë parimet e kontabilitetit rregullativ (duke përfshirë bazat për alokimin e shpenzimeve)
4. Në lidhje me deklaratat e kontabilitetit rregullativ për sa i përket vitit financiar, i Licencuari nuk do të ndryshojë bazat e tarifimit, shpërndarjes ose alokimit që janë përdorur në vitin financiar paraprak, përveçse nëse ZRRE-ja nxjerr më parë udhëzimet për qëllimet e këtij Neni ose nëse ZRRE-ja jep paraprakisht aprovimin me shkrim për ndryshimin e këtyre bazave.
5. I Licencuari do të veproj tërësisht në përputhje me dispozitat e Nenit 17.3 të Ligjit për Energjinë Elektrike dhe ti ndërmarr të gjitha masat e nevojshme që të veproj në përputhje me ato kërkesa me qëllim që të garantojë pavarësinë e tij.
6. I Licencuari do të veproj në përputhje me çdo udhëzim të nxjerrë nga ZRRE-ja e për qëllim të këtij Neni.

Neni 3: Ndalimi i Subvencioneve dhe Ndër-subvencioneve

I Licencuari do të sigurojë që biznesi i licencuar me këtë licencë nuk do të japë ndonjë subvencion apo ndër-subvencion (direkt apo indirekt) apo nuk do ta marrë ndonjë subvencion apo ndër-subvencion (direkt apo indirekt) prej ndonjë biznesi tjetër i të Licencuarit dhe/ose ndonjë Vartësi apo ndërmarrjeje partnere apo të lidhur me të, dhe/ose nga ndonjë person tjetër.

Neni 4: Pajtueshmëria me Kodin e Shpërndarjes, Kodin e Rrjetit Elektrik, Kodin Matës, dhe Rregullin mbi Kushtet e Përgjithshme të Furnizimit me Energji

Kushti 2:

Në pajtim me Nenin 49.2 të Rregullit për Licencimin e Aktiviteteve të Energjisë në Kosovë, pas konsultimit me të Licencuarin, Gjeneruesit dhe Operatorin e Sistemit të Transmisionit, ZRRE-ja mund ti jap të Licencuarit një orar kohorë për të implementuar këtë Nen. Orari i tillë kohor mund të zbatohet dhe të ketë shtrirje në ato pjesë të Kodeve siç precizohet në atë orar.

1. I Licencuari do të veproj në përputhje me dispozitat e Kodit të Shpërndarjes, Kodit të Rrjetit Elektrik dhe Kodit Matës, për aq kohë sa janë të zbatueshëm
2. I Licencuari do të pajtohet me Rregullën mbi Kushtet e Përgjithshme të Furnizimit me Energji, nxjerrë nga ZRRE-ja.

Neni 5: Funksonimi i Sistemit të Shpërndarjes

1. I Licencuari do të funksionoj në mënyrë efikase, ekonomike dhe të koordinuar në sistemin e shpërndarjes.
2. Dispozitat e Nenit 11 të Ligjit mbi Energjinë, të Rregullës mbi Parimet e Llogaritjes së Tarifave në Sektorin e Energjisë Elektrike dhe Metodologjisë së Tarifave në Sektorin e Energjisë Elektrike, Nenet 17, 18, 19, 25, 26, 30 dhe 31 të Ligjit mbi Energjinë Elektrike, kushtet për kyçje të dhëna në Rregullin mbi Kushtet e Përgjithshme të Furnizimit me Energji dhe në Kodin e Rrjetit Elektrik dhe të Shpërndarjes, do të aplikohen ndaj të Licencuarit.
3. I Licencuari ka obligim të ofrojë afatet për kyçje dhe përdorimin e sistemit të tij dhe për çdo kontest që del nga kyçja apo përdorimi i sistemit të Shpërndarjes, do të zbatojë Rregullin mbi Procedurën e Zgjidhjes së Kontesteve në Sektorin e Energjisë të nxjerrë nga ZRRE-ja.
4. I Licencuari do të siguroj qasje jo diskriminuese në mes të shfrytëzuesve të sistemit ose klasave të shfrytëzuesve të sistemit, veçanërisht në favor të ndonjë vartësi apo aksionari dhe t'u siguroj shfrytëzuesve të sistemit informatat që ju nevojiten për qasje efikase në sistem, e në përputhje me Nenin 18.1 të Ligjit për Energjinë Elektrike.
5. I Licencuari do të botojë dhe do të vendosë në faqen zyrtare elektronike të tij, deklaratën mbi tarifat për lidhjen në sistem dhe shfrytëzimin e Sistemit të Shpërndarjes, të aprovuar nga ZRRE-ja sipas Nenit 18 të Ligjit mbi Energjinë, dhe Nenet 45 deri në 48, të Ligjit mbi Rregullatorin e Energjisë.

Neni 6: Plani Zhvillimor

1. Në përputhje me Nenin 8 të Ligjit mbi Energjinë, Nenit 18.1 të Ligjit mbi Energjinë Elektrike dhe Nenit 24.3 të Rregullit mbi Licencimin e Aktiviteteve të Energjisë në Kosovë, i Licencuari do të përgatis, miratoj dhe publikon planin zhvillimor të Sistemit të Shpërndarjes për tre (3) vitet vijues. Planet zhvillimore duhet të jetë në dispozicion të Operatorit të Sistemit të Transmisionit dhe të dorëzohen në ZRRE për

aprovim.

2. I Licencuari do të korrigojë planin zhvillimor çdo vit, në mënyrë që informacioni i paraqitur në planin zhvillimor, të vazhdojë të jetë i saktë në të gjithë aspektet materiale dhe t'ia dorëzojë ZRRE-së për aprovim.

Neni 7: Blerja Ekonomike e Aseteve, Shërbimeve dhe Shërbimeve Ndhmëse

1. I Licencuari do të kontraktojë ose të bëjë të mundur sigurimin e këtyre asetëve dhe shërbimeve që mund të jenë të nevojshme për t'i mundësuar të Licencuarit që të kryejë detyrimin e tij në përputhje me legjislacionin mbi prokurimin që aplikohet në Kosovë, dhe me Kodin e Rrjetit Elektrik dhe Kodin e Shpërndarjes.
2. Gjatë kontraktimit ose rregullimit të sigurimit të asetëve dhe shërbimeve në përputhje me paragrafin 1, i Licencuari do të blejë ose do të sigurojë në ndonjë formë tjetër ato asete dhe shërbime nga burimet më ekonomike që ka në dispozicion.
3. Duke marr parasysh burimet më ekonomike që ka në dispozicion, i Licencuari duhet të ketë parasysh sasinë, natyrën, shumëllojshmërinë, numrin dhe sigurinë e asetëve të tilla dhe shërbimeve që në atë kohë kanë qenë në dispozicion për blerje ose për përvetësim tjetër, dhe sipas nevojave të tij ti mundësoj atij që ti kryej obligimet e tija sipas Legjislacionit, Kodit të Shpërndarjes dhe kësaj licence.

Neni 8: Regjistrimi dhe Tjetërsimi i Asetëve Relevante

1. I Licencuari do të përgatisë dhe do të mbajë një regjistër të të gjithë asetëve relevante dhe do t'ia dorëzojë ZRRE-së këtë regjistër çdo vit jo më vonë se 31 Janar të çdo viti.
2. I Licencuari nuk do të tjetërsojë apo braktis kontrollin funksional mbi ndonjë aset përkatës, nëse kjo do të ndikonte në aftësinë e tij për të kryer detyrimet e tija, ose nëse aseti ka vlerën zëvendësuese mbi 100,000.00 Euro.
3. Në rast kur i Licencuari kërkon që ti tjetërsojë disa asete në pronësi apo në shfrytëzim, apo burimeve tjera në ushtrimin e veprimtarisë së licencuar, i Licencuari obligohet që ta njoftoj ZRRE-në me shkrim. I Licencuari mund ta bëjë tjetërsimin e ndonjë aseti vetëm pas miratimit me shkrim nga ana e ZRRE-së.
4. Dispozitat e përcaktuara me paragrafin 3 do të aplikohen edhe në rastin e heqjes së asetëve apo burimeve tjera që përdoren për ushtrimin e aktivitetit të licencuar.
5. Në këtë Nen:

"Tjetërsim" nënkupton shitjen, transferimin, dhurimin, dhënie me qera, licencë, huanë, hipotekën, ngarkimin, kufizimin mbi shfrytëzimin (qoftë ky fizik ose ligjor), dhënie, vënie e ndonjë pengese tjetër, si dhe lejimin e ndonjë pengese ose ndonjë përdorim tjetër ndaj një Biznesi tjetër të të Licencuarit dhe/ose pale të tretë, dhe "tjetërsimi" do të

interpretohet në përputhje me rrethanat.

"Aset relevant" nënkupton:

- a) çdo pajisje e Sistemit të Shpërndarjes që shfrytëzohet nga i Licencuari për të kryer funksionet e veta që përcaktohen nga kjo Licencë, dhe
- b) çdo interes ligjor ose përfitues mbi tokën dhe/ose ndërtesat në të cilat janë vendosur të sipërpërmendurit, dhe/ose që shfrytëzohet nga i Licencuari për të kryer funksionet që përcaktohen nga kjo Licencë;
- c) ç' do e drejtë pronësore përkatëse intelektuale.

Neni 9: Furnizimi me Pajisje Matëse dhe Shërbimet e të Dhënave

1. Në përputhje me Nenet 33 dhe 34 të Ligjit për Energjinë Elektrike dhe Kodin e Rrjetit dhe sipas kërkesës, i Licencuari, për konsumatorët, Furnizuesit dhe Operatorin e Sistemit të Transmisionit, do të kryejë këto shërbime:
 - a) furnizimin me Pajisje Matëse;
 - b) instalimin, matjen, testimin, riparimin dhe mirëmbajtjen e Pajisjeve Matëse;
 - c) shërbimet e mbledhjes së të dhënave;
 - d) transferin e të dhënave, procedimin e të dhënave dhe shërbimet e grumbullimit të të dhënave.
2. I Licencuari do të bëjë të gjitha përpjekje për të siguruar leximin e njehsorit në secilën ndërtesë të specifikuar ose përshkruar në udhëzimin për furnizim nga burim i fundit brenda katërmëdhjetë (14) ditëve pas hyrjes në fuqi të udhëzimit.
3. I Licencuari mund t'ia besojë leximin e njehsorëve furnizuesve ose ndonjë kontraktuesi tjetër. Në këtë rast, entiteti i kontraktuar për leximin e njehsorëve, është i detyruar të sigurojë lexim të rregullt dhe të saktë të njehsorëve, në përputhje me Kodin Matës.
4. ZRRE-ja mund të kërkojë nga i Licencuari t'i grumbullojë dhe mbajë informata, të dhënat dhe dokumente në përputhje me Nenin 31 të Rregullit për Licencimin e Aktiviteteve të Energjisë në Kosovë.
5. Në këtë Nen:

"Shërbimet e të dhënave" nënkupton shërbimet e mbledhjes së të dhënave, procesimit të të dhënave, grumbullimi i tyre dhe furnizimi me të dhëna.

"Transferi i të dhënave" nënkupton transferimin e të dhënave të papërpunuara dhe të dhënave të përpunuara mbi matjet tek Palët aq sa kërkohen për llogaritjet përfundimtare dhe për qëllime të faturimit.

"Përpunimi i të dhënave" nënkupton shërbime që përmbajnë shqyrtimin, vlefshmërinë, vlerësimin e të dhënave nga leximi i njehsorit në lidhje me konsumimin e energjisë

elektrike në ndërtesat që furnizohen me energji elektrike përmes njehsorit, dhe krijimin, shqyrtimin dhe vlefshmërinë e të dhënave në lidhje me konsumimin e energjisë elektrike në ndërtesat që nuk furnizohen me energji elektrike përmes njehsorit.

“Grumbullimi i të dhënave” nënkupton krahasimin (sistemimin) dhe mbledhjen e të dhënave nga leximi i njehsorëve dhe dërgimin e këtyre të dhënave Operatorit të Tregut.

Neni 10: Zbulimi dhe Parandalimi i Vjedhjes së Energjisë Elektrike, Dëmtimi dhe Ndërhyrja në Njehsor

1. I Licencuari do të ndërmarrë të gjitha masat e arsyeshme me qëllim të zbulimit dhe parandalimit të vjedhjes së energjisë elektrike, dëmtimit të ndonjë uzine elektrike apo njehsorit (matësit) elektrik dhe ndërhyrjes në ndonjë njehsor (matës) elektrik.
2. I Licencuari do të përgatisë dhe dorëzojë ZRRE-së për aprovim propozimin për masat parandaluese që propozon ti ndërmerr për mbrojtjen e të ardhurave (burimeve) të OSSh-së.
3. Në këtë Nen:

”Vjedhje e energjisë elektrike” nënkupton përdorimin e pandershëm, shpërdorimin apo diversionin e energjisë elektrike.

Neni 11: Standardet e Sigurisë së Sistemit të Shpërndarjes dhe Planifikimit

1. Jo më vonë se dymbëdhjetë (12) muaj pas hyrjes në fuqi të kësaj Licence, i Licencuari duhet të krijojë Standardet për Sigurinë e Sistemit të Shpërndarjes dhe Planifikimit, dhe do ti dërgoj ZRRE-së për miratim. ZRRE-ja mund ta miratojë shtyrjen e këtij afati si përgjigje në kërkesën e arsyetuar të të Licencuarit.
2. I Licencuari do të jetë përgjegjës për funksionimin, sigurimin e mirëmbajtjes së Sistemit të Shpërndarjes, dhe nëse është e nevojshme, edhe zhvillimin e tij në përputhje me Standardet e Sigurisë së Sistemit të Shpërndarjes dhe Planifikimit si dhe me standarde të tjerë të planifikimit dhe operimit të cilat i Licencuari mund t’i miratojë kohë pas kohe, pas aprovimit nga ZRRE.
3. I Licencuari do të shqyrtojë periodikisht Standardet e Sigurisë së Sistemit të Shpërndarjes dhe Planifikimit dhe zbatimin e tyre. Pas këtij shqyrtimi, i Licencuari do të dërgojë në ZRRE për shqyrtim dhe miratim:
 - a) një raport të rezultateve të këtij shqyrtimi; dhe
 - b) revizionet që i janë propozuar të bëjë në Standardet e Sigurisë së Sistemit të Shpërndarjes dhe Planifikimit (duke pasur parasysh rezultatin e shqyrtimit).
4. ZRRE-ja mund të nxjerrë udhëzime që i kërkojnë të Licencuarit të rishikojë

Standardet e Sigurisë së Sistemit të Shpërndarjes dhe Planifikimit, në atë mënyrë që është specifikuar në udhëzime, dhe i Licencuari duhet të bjerë në pajtim me ato udhëzime.

5. I Licencuari do të publikoj dhe do t'i vërë në dispozicion Standardet e Sigurisë së Sistemit të Shpërndarjes dhe Planifikimit, në faqen zyrtare elektronike të tij .
6. I Licencuari mund të kërkojë derogim (shtyerje, heqje) që e liron atë nga detyrimet e veta sipas paragrafit 1, në lidhje me disa pjesë të Standardeve të Sigurisë së Sistemit të Shpërndarjes dhe Planifikimit, dhe ZRRE-ja mund të nxjerrë udhëzime që e lirojnë të Licencuarin nga detyrimet e paragrafit 1 në lidhje me ato pjesë të Standardeve të Sigurisë së Sistemit të Shpërndarjes dhe Planifikimit, në atë masë që specifikohet në udhëzime.

Neni 12: Standardet e Sigurisë së Operimit

1. I Licencuari, jo më vonë se dymbëdhjetë (12) muajsh nga hyrja në fuqi e kësaj licence, do ti themeloj Standardet e Sigurisë së Operimit për të siguruar funksionimin e përditshëm të sistemit të shpërndarjes, dhe ti dërgoj ato në ZRRE për aprovim. ZRRE-ja mund të miratoj shtyrjen e këtij afati si përgjigje në kërkesën e arsyetuar të të Licencuarit.
2. I Licencuari do të jetë përgjegjës për funksionimin e sistemit të shpërndarjes në përputhje me Standardet e Sigurisë së Operimit.
3. I Licencuari do ti rishqyrtoj herë pas here Standardet e Sigurisë së Operimit dhe zbatimin e tyre. Pas rishqyrtimeve të tilla , I licencuar do ti dërgoj ZRRE-së:
 - a) raportin mbi rezultatet e rishqyrtimit të tillë, dhe
 - b) ndryshimet që propozohen ti bëhen Standardeve të Sigurisë së Operimit (duke marr në konsideratë rezultatet e rishikimit).
4. ZRRE-ja mund të nxjerri udhëzime me të cilat kërkon nga i Licencuari që ti ripunoj Standardet e Sigurisë së Operimit në atë mënyrë që do të specifikohet në ato udhëzime, dhe i Licencuari do të veprojnë në pajtueshmëri me ato udhëzime.
5. I Licencuari do ti publikoj Standardet e Sigurisë së Operimit dhe ti vejë në dispozicion në faqen zyrtare elektronike të tij.

Neni 13: Standardet e Përgjithshme dhe Minimale të Përmbushjes së Bizneseve të Operatorit të Shpërndarjes

1. I Licencuari do të udhëheq bizneset e operatorit të shpërndarjes në mënyrën që e konsideron më të arsyeshme dhe më të përshtatshme për të arritur standardet e përgjithshme dhe minimale të përmbushjes, propozuar nga ai dhe aprovuar nga ZRRE-ja kohë pas kohe.

2. Brenda gjashtë (6) muajve nga nxjerrja e kësaj licence, i Licencuari do ta përgatisë dhe t'ia dorëzojë ZRRE-së për aprovim propozimin mbi standardet e përmbushjes, të cilat do të:
 - a) identifikojnë standardet e përmbushjes së përgjithshme të cilat do të jetë i obliguar ti përmbush;
 - b) paraqesë standardet minimale të përmbushjes dhe kualitetin e shërbimeve në lidhje me çështjet specifike në të cilat do të jetë i obliguar të mbështetet kohë pas kohe; dhe
 - c) specifikojë kompensimet financiare që do tu paguhen konsumatorëve në rast kur standardet minimale nuk janë në përputhje me nën-paragrafin b).
3. ZRRE mund të miratoj shtyrjen e afatit të caktuar me paragrafin 2 si përgjigje në kërkesën e arsyetuar të të Licencuarit.
4. I Licencuari do të implementoj standardet e aprovuara dhe do t'ia propozojë ZRRE-së për aprovim procedurat e monitorimit të pajtueshmërisë së të njëjtës. I Licencuari do të veproj në pajtueshmëri me procedurat e aprovuara.
5. I Licencuari do të rishqyrtojë dhe, nëse duhet, do të propozojë ndryshimet në standardet e aprovuara, dhe/ose procedurat të realizuara në përputhje me këtë Nen sipas udhëzimeve të ZRRE-së.
6. I Licencuari do t'ia sigurojë ZRRE-së jo më vonë se 31 Mars të çdo viti raport mbi ushtrimin e veprimtarisë lidhur me standardet e performimit. Ky raport do të përfshijë aso informatash dhe analizash nëse këtë e kërkon ZRRE-ja kohë pas kohe me qëllim që të vendosë, nëse i Licencuari has apo jo në përmbushjet e përgjithshme, standardet e përmbushjes sipas këtij Neni.
7. I Licencuari deri me 31 Mars të çdo viti do të publikojë statistikën në mënyrën që ZRRE-ja i kërkon me qëllim të identifikimit të shtrirjes dhe kryerjes apo moskryerjes së standardeve të performancës, të vendosura sipas këtij Neni.
8. I Licencuari në kryerjen e funksioneve të veta do të marrë parasysh qëllimin për të qenë objektiv dhe jo diskriminues në përputhje me Nenin 18.1 të Ligjit mbi Energjinë Elektrike.

Neni 14: Qasja në Tokë dhe/ose në Ndërtesa

1. Jo më vonë se tre (3) muaj pas hyrjes në fuqi të kësaj Licence, i Licencuari do të përgatisë dhe dërgoi ZRRE-së për aprovim një Kod Pune ku përcaktohen parimet dhe procedurat që do të ndjekë në lidhje me ndonjë person që vepron në emër të të Licencuarit dhe që kërkon qasje në tokë dhe/ose ndërtesë e që lidhet me ushtrimin e biznesit të licencuar.

2. Kodi i Punës do të përfshijë procedurat e përlogaritura për të siguruar që personi që kërkonë qasje në tokën dhe/ose ndërtesën në emër të të Licencuarit:
 - a) posedon aftësitë e nevojshme për të kryer detyrat e kërkuara; dhe
 - b) mund të identifikohet nga publiku, dhe
 - c) janë persona të caktuar për të vizituar dhe hyrë në tokat apo ndërtesat.
3. I Licencuari do të rishqyrtojë kohë pas kohe këtë Kod Pune dhe çdo ndryshim i këtij Kodi të Punës do t'i nënshtrohet aprovimit të ZRRE-së.
4. I Licencuari do të sigurojë që ai është në pajtim me këtë Kod dhe me çdo ndryshim të tij siç aprohet kohë pas kohe nga ZRRE-ja.

Neni 15: Kufizimi në Përdorimin e Informatës së Caktuar

1. I Licencuari mund të zbulojë çdo informacion përveç atij që është i fshehtë, dhe që mbahet dhe/ose është fituar gjatë kryerjes së funksioneve të veta si Operator i Sistemit të Shpërndarjes. Kjo ndalesë nuk do ta pengoj të Licencuarin që ti zbuloj informatat ZRRE-së që kjo mund ti kërkoj në kryerjen e obligimeve që i janë dhënë me Legjislacion dhe Nenin 25 të kësaj Licence.
2. I Licencuari do të sigurojë që çdo dokument që përmban informacione të fshehta, duhet ta bëjë identifikimin e qartë të informacionit si të fshehtë.
3. I Licencuari do të marrë masat e parapara për të parandaluar zbulimin e informacioneve të fshehta nga çdo person që është i punësuar apo ka pushuar të jetë i punësuar prej të Licencuarit.
4. I Licencuari do të marrë të gjithë hapat e nevojshëm për të siguruar që informatat konfidenciale nuk do të përdoren apo zbulohen për ndonjë qëllim tjetër nga ajo që është dhënë dhe sipas dispozitave përkatëse të Rregullit për Informatat Konfidenciale.
5. Në këtë Nen:

“informata konfidenciale (të fshehtë)” është çdo informacion komercial ose tjetër dhe që mbahet dhe/ose është fituar nga i Licencuari gjatë kryerjes së detyrave të veta sipas Legjislacionit, dhe që do të konsiderohet si konfidencial sipas Rregullit mbi Informatat Konfidenciale dhe kësaj Licence.

Neni 16: Furnizimi me Informata për Operatorin e Sistemit të Transmisionit dhe Operatorët tjerë të Sistemit të Shpërndarjes

1. Në mënyrë që të sigurojë funksionim efikas, zhvillimin e koordinuar dhe ndër funksionimin e sistemeve të ndërlidhura, i Licencuari do t'i dërgojë çdo informatë të domosdoshme Operatorit të Sistemit të Transmisionit dhe Operatorëve tjerë të

Sistemit të Shpërndarjes, në atë mënyrë dhe në ato kohë që me arsye mund të jetë kërkuar nga Operatori i Sistemit të Transmisionit.

2. Për qëllimet e këtij Neni, në rast të paraqitjes së ndonjë kontesti në mes të të Licencuarit dhe ndonjë pale tjetër, i Licencuari do të zbatojë Rregullin mbi Procedurën e Zgjidhjes së Kontesteve në Sektorin e Energjisë të nxjerrë nga ZRRE.

Neni 17: Informatat tjera për Konsumatorët

1. I Licencuari do t'i mbajë të informuar konsumatorët e vet (përveç nëse konsumatori furnizohet me energji që nuk kalon nëpërmes njehsorit) për sasinë e energjisë elektrike, që është regjistruar si e harxhuar nga ai konsumator sipas njehsorit (matësit) përmes të cilit konsumatori është furnizuar.
2. I Licencuari do t'i mbajë të informuar konsumatorët e vet se:
 - a) ZRRE-ja mund të marrë pjesë në zgjidhjen e ankesave të cilat i Licencuari nuk i ka zgjidhur deri në fund për t'i kënaqur konsumatorët e vet;dhe
 - b) si mund të kontaktojnë ZRRE-në.
3. I Licencuari mund t'i kryejë detyrimet e veta nga paragrafët 1 dhe 2 duke siguruar informata të relevante për secilën faturë apo deklaratë që i është dhënë konsumatorit në lidhje me detyrimet për furnizim me energji elektrike, dhe një herë në vit çdo konsumatori të cilit këto fatura apo deklarata nuk i janë dhënë (dorëzuar).

Neni 18: Kodi i Sjelljes i Operatorit të Sistemit të Shpërndarjes

1. I Licencuari do të përgatisë një Kod të Sjelljes dhe dërgoj ZRRE-së për aprovim brenda gjashtë (6) muajsh nga data e lëshimit të kësaj licence.
2. Kodi i Sjelljes do të aplikohet për të gjithë anëtarët e stafit të të Licencuarit.
3. Kodi i Sjelljes së Operatorit të Sistemit të Shpërndarjes do të mbulojë detyrimet lidhur me konfidencialitetin, konfliktet e interesave, dhe obligime tjera të ngjajshme.
4. I Licencuari do të publikoj Kodin e Sjelljes në faqen zyrtare elektronike të tij.

Neni 19: Rregullat e Tregut

1. I Licencuari do të veprojnë pajtim me Rregullat e Tregut për aq sa janë të zbatueshme.
2. ZRRE-ja mund të nxjerrë udhëzime për ta liruar nga obligimet e parapara sipas paragrafit 1 më lart në lidhje me ato pjesë të Rregullave të Tregut dhe në atë masë sa mund të specifikohen në këto udhëzime.

Neni 20: Shëndeti dhe Siguria

1. I Licencuari do të ndërmarrë të gjithë hapat e nevojshëm për të mbrojtur personat dhe pronat nga lëndimet dhe dëmtimet që mund të shkaktohen nga ana e të Licencuarit gjatë kryerjes së biznesit të Operatorit të Sistemit të Shpërndarjes.
2. I Licencuari do të sigurojë që kontrolli (auditim) teknik dhe i sigurisë të ndërmerret çdo vit për sa i përket sistemit të shpërndarjes, me anë të një eksperti të pavarur emërimi i të cilit aprovet nga ZRRE-ja.
3. I Licencuari duhet me kohë ti siguroj ZRRE-së rezultatet e kontrollit të tillë.

Neni 21: Puna

I Licencuari do të veprojë në pajtim me të gjithë legjislacionin e aplikueshëm mbi marrëdhnje pune dhe sigurie në punë që është në fuqi tani ose që do të hynë në fuqi në të ardhmen.

Neni 22: Obligimi i Sigurimit

Kushti 3:

I Licencuari do të veproj sipas kërkesës së caktuar me paragrafin 1 brenda dymbëdhjetë (12) muajve nga data e lëshimit të kësaj licence.

I licencuari do të lidhë dhe mbaj në fuqi kontrata sigurimi për asetet e shpërndarjes dhe për pajisjet që përdoren për shpërndarje. Kontrata e tillë do të dërgohet ZRRE për rishqyrtim në baza vjetore.

Neni 23: Ndryshimi në Kontrollin e të Licencuarit

I Licencuari do të njoftojë ZRRE-në për ndonjë ndryshim që pritet në kontroll së paku gjashtëdhjetë (60) ditë paraprakisht. Ndryshimi në kontroll nuk do të jetë efektiv deri sa ZRRE-ja nuk e aprovon

Neni 24: Shërbimet Publike të Detyrueshme

I Licencuari do të kryej çdo detyrim të shërbimeve publike që mund të vendoset nga ZRRE-ja, sipas Nenit 51 të Ligjit mbi Rregullatorin e Energjisë.

Neni 25: Sigurimi i Informacioneve ndaj ZRRE-së

1. I Licencuari do t'i dorëzojë ZRRE-së informacionet dhe raportet e tilla në mënyrën dhe në afatet që ZRRE-ja mund t'i konsiderojë të nevojshme duke marrë parasysh Nenet dhe Kushtet e kësaj licence ose për qëllimin e kryerjes së funksioneve që i janë caktuar ose transferuar atij sipas Nenit 29 të Rregullit për Liçencimin e Aktiviteteve të Energjisë në Kosovë apo legjislacionit tjetër të aplikueshëm.

2. Informacionet do të përgatiten në nivelin e auditimit pasi mund të kërkohen kohë pas kohe nga ZRRE-ja.
3. Kompetenca e ZRRE-së që të kërkoj informata sipas paragrafit 1 nuk e cenon kompetencën e ZRRE-së që të kërkoj edhe informata që konsiderohen konfidenciale sipas çdo Neni apo Kushti të kësaj licence apo sipas Legjislacionit të aplikueshëm.
4. Nëse i Licencuari kërkon që një informacion i caktuar të konsiderohet si konfidencial atëherë është obligim i tij që të shënoj atë informacion si konfidencial dhe të justifikoj kërkesën e tij tek ZRRE-ja.
5. I Licencuari do ti dërgoj ZRRE-së raporte tremujore dhe vjetore me të cilin informon mbi veprimtarinë e Operatorit të Sistemit të Shpërndarjes si dhe pajtueshmërinë me kushtet e Licencës sipas Dorracakut të Raportimit miratuar nga ZRRE-ja .
6. I Licencuari duhet ti dërgojë ZRRE-së detajet për çdo ndryshim në informata që janë dërguara gjatë aplikimit për këtë licencë.
7. Informacionet e përfshira në raportin vjetor mbi statusin e pajisjeve kryesore dhe kalkulimin e furnizimit të vazhdueshëm.do të përfshijë (pa kufizim):
 - a) çmimet e shtuara apo të pakësuara;
 - b) pagesat e detyrimeve;
 - c) parashikimet e kërkesës;
 - d) detajet e konsumit;
 - e) profilet e Kërkesës së Sistemit.

8. Në këtë Nen:

"Informacioni" është material në çdo formë dhe pa asnjë kufizim do të përfshijë çdo kontratë, libër, dokument, regjistër, kontabilitet, llogaritje (statusore ose tjetër), vlerësim, kthim ose raport të çdo përshkrimi dhe çdo shpjegim (gojor ose me shkrim) në lidhje me këto informacione që mund të jenë kërkuar nga ZRRE-ja.

Neni 26: Arsyet për Përfundimin, Tërheqjen dhe Modifikimin e Licencës

1. ZRRE-ja mund të përfundojë këtë licencë sipas Nenit 39 të Rregullit për Licencimin e Aktiviteteve të Energjisë në Kosovë nëse obligimet e licencës mund të kryhen nga i Licencuari tjetër dhe nëse konsumatorët nuk do të vijnë në pozitë të palakmueshëm për shkak të përfundimit. Përfundimi i tillë mund të ndërmerret në rast të:
 - a) skadimit të afatit të Licencës;
 - b) me kërkesën e ndërmarrjes së licencuar të energjisë lidhur me licencën e tij;
 - c) shpërbërjes së personit juridik që mban licencën;
 - d) pas vendimit të gjykatës me të cilin shpall falimentimin e të licencuarit apo

vendimit të gjykatës për përfundimin e aktiviteteve gjeneruese për shkak të shpalljes së likuiditetit të të licencuarit;

- e) nëse aktiviteti i licencuar për gjenerim nuk është ushtruar më shumë se gjashtë muaj, përpos kur ndërprerja e aktivitetit është bërë me miratimin e ZRRE-së;
 - f) nëse janë plotësuar kushtet nga dispozitat e Nenit 44 të Rregullit për Liçencimin e Aktiviteteve të Energjisë në Kosovë, dhe
 - g) nëse shuma e caktuar që lidhet me tarifën nuk është paguar tridhjetë (30) ditë nga data e caktuar dhe ka mbetur e papaguar edhe për një periudhë tjetër prej tridhjetë (30) ditësh pas vërejtjes me shkrim të dhënë nga ZRRE-ja në lidhje me vonesën e pagesës me kusht që asi vërejtje nuk do të lëshohet më herët se data kur shuma është dashur të paguhet.
2. ZRRE-ja mund të tërheqë këtë licencë në rastet e paraqitura më poshtë si është përcaktuar në Nenin 44.5 të Rregullit për Licencimin e Aktiviteteve të Energjisë në Kosovë, në rast se këto detyrime të të Licencuarit do të kryhen prej një të Licencuarit tjetër ose që konsumatorët nuk do të vijnë në pozitë të disfavorshëm nga kjo tërheqje:
- a) i Licencuari nuk i plotëson kushtet materiale apo obligimet nga licenca apo edhe i shkel ato, dhe se ai mosplotësim apo shkelje nuk është ndrequr brenda afatit të caktuar nga ZRRE, apo ka dëmtuar seriozisht kualitetin, sigurinë dhe seriozitetin e shërbimit që përndryshe i Licencuari ishte i obliguar ta ofroj;
 - b) nëse gjatë monitorimit të licencës nga ZRRE gjenden dështime në përmbushjen e kërkesave administrative dhe se ato dështime nuk janë eliminuar brenda afatit të caktuar nga ZRRE;
 - c) i Licencuari prezanton informata materiale false në bazë të të cilave është dhënë licenca.
3. Në pajtim me Nenin 35 të Rregullit për Liçencimin e Aktiviteteve të Energjisë në Kosovë ZRRE mund ta modifikojë këtë licencë në rastet si në vijim:
- a) me kërkesë të të Licencuarit;
 - b) nëse nevojitet për të mbrojtur sistemin energjetik në Kosovë, në lidhje me sigurinë e furnizimit dhe sigurinë e jetës dhe shëndetit të qytetarëve, ose për mbrojtjen e mjedisit;
 - c) në mënyrë që t'u plotësohen kërkesat e reja të paraqitura në marrëveshjet ndërkombëtare, ligjet vendore, rregulloret dhe legjislacionin tjetër të aplikueshëm;
 - d) si sanksion për shkeljen e kushteve dhe konditave të licencës, sipas Nenit 44 të Rregullit për Licencimin e Aktiviteteve të Energjisë në Kosovë.

Neni 27: Masat Administrative dhe Gjobat

1. Në rast shkeljeje të dispozitave të legjislacionit, Neneve apo kushteve të kësaj Licence apo instruksioneve dhënë të Licencuarit nga ana e ZRRE-së, ZRRE-ja ka kompetenca që sipas Nenit 56.2 të Ligjit për Rregullatorin e Energjisë dhe Rregullit për Masat Administrative dhe Gjobat ose ta parandaloj të Licencuarin që ti përsëris veprimet

ilegale apo në rast se veprimi është ndaluar, ZRRE mund të lëshoj vendim me të cilin kërkohet që të ndërmerren veprime konkrete apo ta ngarkoj me gjoba administrative të Licencuarin dhe/apo anëtarin e Bordit të Drejtorëve dhe/apo ekzekutivin e saj.

2. Para se të jepet gjoba ZRRE do ti lëshoj të licencuarit një njoftim mbi shkeljet e bëra dhe do ti ofroj mundësi që brenda katërbëdhjetë (14) ditësh nga data e pranimit të njoftimit të përgjigjet ZRRE-së me shkrim për të përmirësuar shkeljen.
3. Gjoba do ti ngarkohet të Licencuarit në pajtim me Nenin 57 të Ligjit për Rregullatorin e Energjisë dhe Rregullin për Masat Administrative dhe Gjobat nëse i Licencuari shkel dispozitat e ati Neni derisa ato janë të aplikueshme për të Licencuarin.
4. Shuma e gjobës do të vlerësohet në pajtim me Rregullin për Gjobat dhe Masat Administrative. Sidoqoftë nëse gjoba nga paragrafi 3 i ngarkohet të Licencuarit ajo nuk mund ta tejkaloj 15% e bruto të ardhurat e të Licencuarit nga veprimtaria e ushtruar sipas kësaj licence në vitin financiar paraparak.
5. Nëse gjoba nga paragrafi 3 i është ngarkuar anëtarit të Bordit të Drejtorëve apo ekzekutivit të të Licencuarit ajo nuk duhet të tejkaloj 300% e pagës mujore që ai person ka pranuar nga i Licencuari.
6. Në rast të përsëritjes së shkeljes, gjoba e ngarkuar mund të jetë tri (3) herë më e lartë se shumta e autorizuar me paragrafin 4 apo 5.
7. Gjatë ngarkimit të gjobës, në pajtim me këtë Nen, ZRRE do ta ketë parasysh shkallën e dëmtimit të shoqërisë nga ai veprim, sjelljet e përparshme të të Licencuarit apo personit në fjalë, si dhe gjendjen financiare të të Licencuarit apo personit.
8. Nëse gjoba e ngarkuar nga ZRRE-ja nuk është paguar, ZRRE do të inicioj procedurën gjyqësore për të marr gjobën si borxh civil.

Neni 28: Zgjidhja e Kontesteve

1. Çdo kontest që paraqitet apo është i lidhur me aktivitetet e licencuara do të zgjidhet në përputhje me Rregullën mbi Procedurën e Zgjidhjes së Kontesteve në Sektorin e Energjisë, të nxjerrë nga ZRRE-ja
2. Vendimet e ZRRE-së lidhur me modifikimin, tërheqjen apo përfundimin e licencës si dhe vendimet lidhur me gjobat si rezultat i shkeljeve të kushteve të licencës apo shkeljes së ligjeve të aplikueshme, mund të apelohe nga i Licencuari në gjykatën kompetente.